

枕同煎數沸去滓以湯浴兒即止○治小兒咳嗽嘔吐用輕粉一錢百草霜一兩同研細米飯丸如米粒大每服一九米飲送下立愈○治小兒喘嗽用石膏火內飛過爲末蜜調半錢服○治小兒胸喉膈熱大喘用甘遂二錢雄黃一錢爲末每服半錢或一錢新汲水五七匙小油三點調下吐涎後喘定○又方用大黃黑牽牛白牽牛等分各一半生一半熟檳榔亦等分爲末每服半錢三五歲每服一錢漿水半盞蜜少許調服○又方用膽礬輕粉等分爲末每服一字漿水一匙小油三點攪勻灌之須臾即吐喘便止○

又方用銅青爲末漿水調下半錢吐涎即愈○又方用銅青蛤粉等分爲末每服一字新汲水半盞小油五點調勻服即吐○治小兒感寒咳嗽用百部麻黃去節各一分杏仁四十箇去皮尖微炒別研爲末煉蜜丸如芡實大每服三丸熟水化下一方加松子肉五十粒入沙糖爲丸含化尤妙○治大人小兒一切咳嗽痰飲用生南星半夏各四兩白礬二兩飛時放去殼巴豆二十一粒候礬冷定去豆三味爲末生姜自然汁丸如桐子大小兒丸如麻子大每服二十丸食後姜湯下○又方用大黃酒浸黃芩各八兩青

礞石一兩以硝煨沉香半兩為末水糊丸如桐子大小兒丸如麻子大一切痰飲積滯服之極効丸數量大小虛實加減惟瀉痢并雙身者不宜服

吐瀉瘡痢

治小兒吐不定用五倍子二箇一生一熟甘草二大根濕紙裹炮過同為末每服半錢七米泔調下○治小兒吐乳用仙人杖水煮服亦治大人吐食○治小兒霍亂吐痢用芥葉細切煮熟汁飲任性多少得止為度○治小兒吐瀉用硫黃滑石等分為末每服一錢米湯調下○治小兒嘔吐不止用白芝麻一合酒半升煮三合去芝麻服之大効○治小兒脾積腹脹吐逆不止用甘遂一兩炒輕粉一錢丁香四十九枚硃砂二錢為末熟棗肉丸如大豆稔作餅子每服一餅棗一枚去核包藥在內麻纏之水一盞煮半盞去麻研為膏服之○治小兒瀉後脾虛吐食不止用枯白礬寒水石炮等分為末水糊丸如黍米大每服五七丸煎茅香湯送下○治小兒吐乳不止用蛭蚓糞為末每服半錢空心米飲調下大効○治脾虛寒嘔吐不止或泄瀉腹痛用丁香四錢不見火陳皮去白二兩甘草訶子炮去核青皮去白各一兩為末每服一

錢水半盞食前煎服○治小兒搐搦吐瀉用肉豆蔻一箇炮爲末麩糊丸如粟米大每服五七丸米飲下量兒大小加減○治小兒瀉痢及脫肛用槐花爲末每服一錢陳米湯調下○治小兒宿滯不化胸腹痞滿泄瀉如痢用杏仁五十箇去皮尖別研赤石脂末牽牛末代赭石火煨醋淬研末各一兩湯浸蒸餅丸如黍米大每服五七丸乳汁或米飲下○治休息痢及疳瀉日久者用雞子一箇打破以黃蠟一塊如指大銚內鎔開和雞子拌勻炒熟空心食之○治下痢赤白用黃連一兩以吳茱萸炒去茱萸不用肉豆蔻二箇木香一分爲末麩糊丸如粟子大赤痢粟米飲下白痢厚朴湯下○治因瀉痢後肛門不收用赤石脂去土伏龍肝等分爲末每用半錢傅腸頭上○治小兒疳痢久不差用赤石脂川芎等分爲末每服半錢米飲調下○又方用益母草煮食之取足甚佳○治小兒疳痢肚脹用雞子一個剝取入膩粉二錢以紙包十重於飯甑上蒸三次放冷取肉入麝少許研細糊丸如米粒大食後夜卧溫湯下五七丸○治小兒久痢不効用沒石子二箇切熬令黃研細和麩作餛飩食

之沒石子能烏髭髮和氣安神生精益血○治小兒
及大人赤白痢用新柵皮一斤去粗黑細切以水一
斗煎五升去滓更熬如膏和酒服立差○治小兒血
痢用生馬齒莧絞汁一合和蜜一匙空心呷服○治
小兒因痢脫肛用白龍骨粉撲之○治肛帶出用胡
荻切一升燒烟薰肛即入胡荻久食令人多忘發痼
疾腋臭脚氣○治小兒久痢淋瀝水穀不消用枳實
爲用飲汁調一錢七服二歲已上二錢七○治小兒
赤白痢多體弱不堪用麻子一合炒香熟爲末每服
一錢七蜜漿水調下立効○治小兒下痢膿血小便
澀兼水氣腹腫用苧蔴半兩微炒搗爛以棗肉和丸
如棗豆大每服五丸棗湯下空心晚下仍量兒大小
加減服之○治小兒冷熱不調下痢赤白裏急後重
用黃連二兩以吳茱萸一兩同炒令赤去茱萸不用
木香四錢爲末醋糊丸如粟米大每服二十九空心
米飲下○治瘧疾用烏貓糞爲末以桃仁七箇煎湯
調服○治瘧疾久不愈用常山大腹皮茯苓鱉甲醋
炙甘草炙等分爲末每服一二錢桃柳枝各七寸同
煎臨發時服畧吐出涎不妨

調理脾胃

治小兒脾胃虛弱飲食少進用人參白朮茯苓甘草
等分爲末每服一錢益湯點服一方加陳皮硝砂○
治胃虛氣逆吃乳不食用人參一錢丁香藿香葉各
半錢水半盞煎熟入乳汁少許煎服○治胃弱吐逆
手足心熱不進乳食用陳紅麴三錢半白朮一錢半
麩炒甘草炙一錢爲末每服半錢棗湯米飲下○治
脾胃不和嘔逆惡心乳食不進用厚朴姜製一錢白
朮半錢乾姜炮甘草炙各三分水一盞姜二片煎空
心熱服○治宿食傷脾消食快膈用硝砂仁橘皮三
稜莪朮神麩麥蘖各半兩香附子一兩各炒爲末麩
糊丸如麻子大食後白湯下隨大小加減丸數

積聚痞結

治小兒臟腑積滯腹肚脹痛腸鳴泄瀉用乾漆半兩
炒莪朮四兩三稜炮青皮去白炒各三兩丁香一兩
爲末糊丸如粟米大每服十九丸姜湯吞下○治宿食
不化心腹脹滿嘔逆惡心不進乳食用人參陳皮良
姜檳榔白茯苓甘草等分每服二錢水一盞姜棗煎
服○治氣積腹痛用硝砂仁甘草炙益智炒去殼三
稜莪朮青皮去白等分爲末每服一錢白湯調下○
治胸膈伏熱停食氣結脹滿用甘遂煨大黃炒青皮

去白黃芩等分每服二錢水半盞煎服以利爲度○
治積氣水腫用甘遂青皮陳皮各去白木香各一兩
檳榔一箇爲末每服一錢紫蘇木瓜湯調下○治頭
面手脚虛浮用青皮五個去白以巴豆七箇去殼同
炒豆蒼色去豆不用木香一錢防已半錢丁香一十
四箇爲末蒸餅丸如麻子大每服四五丸男用陳皮
湯下女艾葉湯下日二服○治飲水過多停積身熱
腫滿用赤小豆陳皮蘿蔔子甘草炙各半錢木香少
許水一盞姜棗煎服○治心經積熱小便不通用木
通滑石各一兩牽牛炒半兩爲末每服一錢燈心葱
白湯調下○又方用梔子茆根冬葵根甘草炙等分
爲末每服一錢水一盞煎服○治小腹急悶用冬葵
子一錢木通半錢爲末水一盞葱白一根煎服○治
小兒氣癰癩熱用三稜煮汁作羹粥以米麩爲之與
乳母食每日取一棗大與兒食○治小兒身腫并手
足腫兼癰癩用巴豆二十枚去皮心水二升煎一升
以綿於湯中蘸洗隨手拭之○治小兒閃癰用黃瓜
葉搗汁服得吐下即愈約一歲一葉○治小兒閃癰
癰癩羸瘦杵林檎和醋傅上癰若移動就傅之

癰豆

治小兒癩豆欲令速出用胡荽二三兩切細以酒二
盞煎沸沃胡荽便以物合定勿令泄氣候冷去滓微
微從頂以下噴一身令遍除面不噴滓用袋盛掛帳
中餘藥乳母服之○治小兒出瘡癩不快用蟬殼水
煎汁與服飲甚良○治豆癩瘡瘡出不快并黑陷倒
靨嵌入肚腹脹用人猫猪狗屎陰乾於臘日早晨日
未出時盛在甘鍋內炭火煨令烟盡白色爲度研末
每服一字冷蜜水調下一服即効無失一方用此四
般牙燒灰功用亦同亦治一切惡瘡其効如神○治
痘瘡不發用荔枝浸酒飲食荔枝忌飲水并生冷物
瀉則難治○治倒靨用人牙燒灰爲末蜜湯調服一
方入麝少許溫酒調下二三服効○治瘡瘡豌豆瘡
用大豆熟煮取汁服之湯火瘡汁塗易差無瘢○治
小兒發癩散惡毒氣用生葵菜葉絞汁少少與服○
治小兒面上瘡豆子癩用鹿角膠慢火炙爲末溫酒
調一錢匕已出者服之無瘢未出服瀉下○治疔豆
等瘡用山豆根水研少許服○治小兒出癩豆瘡心
躁眠卧不安用升麻煎湯一盞以綿蘸拭瘡上○治
小兒患癩豆用紫草二兩細剉以百沸湯一大盞泡
之便以物合定勿令氣漏放溫量兒大小服半合雖

出減輕○治小兒身熱欲作癩豆用白芍藥升麻乾葛各六分甘草三分水半盞煎服不拘時○治天行豆瘡但覺即用赤小豆黑豆菘豆各一升甘草節五錢水煮熟任意食且飲汁七日自不發○治小兒因豆瘡牙齦生疳蝕瘡用雄黃一錢銅綠二錢爲末乾摻○治因豆瘡身上有疳蝕瘡膿水不絕用出蛾綿絮以生白礬末置其內炭火燒令礬汁盡爲末乾摻瘡上○治豆已靨眼目腎膜或癰澁淚出用穀精草一兩生蛤粉二兩爲末獾猪肝一葉以竹刀批作片子摻藥在內用苧線縛住於甕器內貯水慢火煮熟

令兒食之○治瘡癩出不快透及倒靨一切惡候用紫草茸甘草木通去節枳殼去白麩炒等分每服二錢水一盞煎服○治出瘡癩眼內有雲翳用輕粉黃丹等分以竹筒吹入耳內左眼有翳吹右耳右眼吹左耳即退○治豆瘡并頭瘡胎毒諸風熱惡瘡用黃蘗黃連白芷五倍子等分爲末以井花水調稠塗碗內覆架兩磚上用艾烟薰蒸以黑乾爲度取下再研作末清油調塗○又方用五倍子白芷等分爲末乾摻膿水即收如乾煨以清油調塗○治小兒豆眼用穀精草爲末以白柿或猪肝或錫糖蘸喫○治小兒

癰瘡入眼用蒺藜炒甘草炙羌活防風等分爲末
每服二錢水調下○治瘡癬里陷用鐵脚威靈仙一
錢炒爲末腦子一分溫水調服取下瘡痕爲効○治
癰瘡倒靨用胡桃一箇燒灰存性乾胭脂三錢爲末
以胡荽煎酒調下一錢服○又方用小豬兒尾尖取
血三五點研入腦子少許食後新水調下○又方用
臘月人中白通風處火煨成煤水調二三錢服陷者
自出○治瘡癬已未出咽喉腫痛用牛蒡子一兩炒
甘草二錢炙荆芥一分爲粗末每服三錢水一盞煎
七分去滓溫服○治小兒癰瘡入眼用猪懸蹄甲二

兩甘鍋內鹽坭固濟燒焦爲末蟬殼去土一兩羚羊
角鎊細末一分研勻每用一字百日外兒服半錢三
歲服一二錢新水或溫水調下日三四服夜一二服
一年已外則難治○又方用硃砂腦子水銀麝香等
分爲末以水銀調滴入耳中○治豆瘡生在眼內用
黑狗耳刺血滴入眼內瘡自散○治癬豆餘毒未解
并上焦熱壅口齒出血用玄參一兩桔梗八錢赤茯
苓人參牙硝各半兩甘草一錢麝香半錢別研爲末
入青黛一分和勻煉蜜丸如芡實大金銀箔爲衣磨
生犀水化下齒血臭氣用生地黄汁化下○治小兒

癰瘡入眼昏暗百日以裏可治用輕粉四分硃砂六分爲末每服一匙頭水三五滴調勻若在左眼滴右耳右眼滴左耳兩眼有兩耳俱滴腎膜自退○又方用輕粉乾胭脂二味和粉紅色爲度每服一二罈頭以頭收兒乳汁調灌耳內側卧令藥流入眼○凡出癰疽宜忌腋下狐臭氣溝渠濁惡氣○房中淫洩氣○婦人經候氣○諸般血腥臭氣○酒醉暈腥氣○硫黃毒藥氣赤目者觸之亦疼痛難差○麝香臊穢氣○疫汗蒸濕氣○悞燒頭髮氣并魚骨諸臭氣及紫烟入口鼻○葱蒜韭薤氣及烹油膩氣犯之則

必變動養蚕之家亦當忌之

五疳五軟

治脾胃積熱成疳用龍膽草黃連蕪荑去皮先炒黃各一兩次入上二味一處炒赤爲末入蘆薈末一分和勻飯飲丸如黍米大隨大小加減空心米湯下○治疳瘦久服消食和氣長肌肉用陳皮一兩黃連兩半米泔浸一日爲末入麝香半錢研勻用猪膽七箇分藥入膽內漿水煮候臨熟以針微刺破以熟爲度取出用粟米粥和丸如菉豆大每服十九至二十九米飲下量大小與服不拘時○治疳渴用草龍膽定

粉炒烏梅肉焙黃連各二分爲末煉蜜丸如麻子大
米飲下一二十九不拘時○治小兒一切疳用棘針
爪蒂等分爲末吹入鼻中○治疳瘦用端午日取蝦
蟆以油單裹裂其眉酥出單上以麝香硃砂爲丸如
麻子大空心服一丸腦疳以乳汁調灌鼻中及治一
切惡瘡○治小兒屍注勞瘦或時寒熱用死鷲頭一
枚燒灰爲末新汲水調半錢匕下○治小兒腦疳鼻
痒毛髮作穗面黃肌瘦用鯽魚膽滴鼻中連三五日
甚効○治疳黃用雞子剝小竅入去殼巴豆一粒以
紙糊孔煨熟去巴豆食之隔一二日再喫一二箇○

治小兒面黃肌瘦肚大筋青乳食入口即吐用丁香
七枚爲末以無病婦人生子乳汁取盞內和末勻蒸
熟作三次服即愈○治小兒痺疳用蘆薈史君子等
分爲末每服一二錢米飲調下○治小兒黃瘦腹大
用乾雞糞一兩丁香沒一錢蒸餅爲丸如小豆大每
服二十九米湯送下○治小兒疳瀉眼生翳用川烏
一兩炮裂蛤粉二兩炒爲末每服二錢用獾猪肉一
兩生切開置藥在內麻皮縛定米泔煮熟食後與湯
並服之○治疳殺虫和胃止瀉用胡黃連黃連白蘼
蘆薈木香青皮雷丸破開白者佳赤者勿用鶴虱

炒各半兩麝香一錢別研爲末粟米飯丸如菜豆大
米飲下一二十九不拘時○治小兒熱疳用胡黃連
川黃連各半兩硃砂一錢半別研爲末入猪膽內繫
定虛懸於銚中者一飯久取出入蘆薈青黛各二錢
半麝香少許粳米飯丸如麻子大每服十九米飲下
○治小兒走馬疳用北棗一箇去核入鴨嘴膽礬一
片在內紙裹火煨通紅出火毒研細傅牙左右乳母
服黃連解毒湯則愈○治走馬疳蝕透骨用天南
星一箇當心剉坑安硫黃一塊在內以麪裹燒候雄
黃作汁以盞子合定出火毒去麪研爲末入麝香少

許搽瘡甚驗○治小兒疳瘡虫蝕鼻用熊膽半分湯
化塗於鼻中能掌以酒醋水三件煮熟食之耐風寒
○治小兒走馬牙疳用蚕退紙燒灰存性入麝香少
許研勻貼患處○治牙疳用茴香桔梗燒灰存性爲
末傅乾則油調搽○治小兒急疳瘡用蝮蛇膽細研
水調傅之○治小兒鼻疳瘡并耳後瘡用黃連末傅
之日三四度○治小兒耳邊鼻下赤爛濕痒各月蝕
疳瘡用黃丹煨赤色白礬飛過菘豆粉各一錢研細
乾傅瘡上唾調亦可○治小兒肝膽傳熱致令筋軟
用附子生去皮臍南星切爲末生姜自然汁調攤貼

患處○治回紅唇白腸熱項軟用羚羊角熟地黃酒
浸白茯苓酸棗仁炒防風虎脛骨酒炙肉桂甘草等
分爲末溫酒或鹽湯調服○治胎中受熱遍身筋軟
用鹿耳蓯蓉牛膝木瓜兔絲子熟地黃當歸天麻杜
仲青鹽等分爲末蜜丸鹽湯或溫酒化下○治小兒
五六歲骨氣虛筋脉弱不能行用羚羊角白茯苓虎
脛骨醋塗炙酸棗仁炒生乾地黃各半兩黃耆桂心
防風當歸炒各一分爲末煉蜜丸如菜巨大食前溫
酒研破三五丸服一月後漸能行走

丹毒瘡癰

治小兒丹瘤用葶麻子五箇去皮研入麩一匙水調
塗○治小兒赤丹不止用胡荽絞汁傅之差○治小
兒急丹毒用雞子殼內白和赤小豆末傅之○治小
兒遊丹赤腫用蒼麥麩醋和傅之人久食蒼麥動氣
脫眉○治小兒赤遊行於上下至心即死用五倍根
汁煎塗之○治丹毒發作恐其入腹一時無藥急以
針於紅點處刺出惡血使毒氣於此而散或用磁片
出血○治火丹用繡鐵磨水調厠坑上泥塗之○治
一切丹毒積熱雍滯咽喉腫痛用當歸赤芍藥甘草
炙大黃等分每服一錢水半盞煎七分去滓食後溫

服○治赤遊丹腫用白土一兩寒水石二兩為末米醋調傅患處或腫至外腎有破處只用水調○治五種丹毒用鬱金甘草炙桔梗天花粉葛粉等分為末每服一錢薄荷湯入蜜調下○治小兒十種丹瘤如三日不治毒入腸胃則不可治宜仔細辯認依方治之萬不失一○一從頂頭起腫先用葱白研取自然汁塗○二從頭上紅腫痛用赤小豆末雞子清調搽○三從面起赤腫用蠶心土雞子清調塗○四從背起赤點用桑白皮末羊脂調塗○五從兩臂赤腫黃色用柳木燒灰水調塗○六從兩脇虛腫用生鐵屑和猪糞調塗○七從臍上起黃腫用檳榔為末米醋調塗○八從兩脚赤腫用乳香末羊脂調塗○九從兩脚有赤白點用猪槽下土麻油調塗○十從陰上起黃腫用屋漏處土羊脂調塗○治小兒丹瘤用綿羊腦子朴硝調勻貼瘤上立効○治小兒伏熱毒之氣遍身赤腫用漢防已半兩朴硝犀角黃芩黃耆升麻各一分加竹葉煎量大小加減○治小兒乳癰用粉草擦之後用油醬抹○治小兒煉胤瘡用黑驢糞晒乾燒灰清油調搽立効○治小兒頭瘡用黃連黃蘗草決明輕粉各等分為末以生麻油調塗立愈○

治小兒黃爛瘡用艾葉燒灰爲末傅之立効○治頭
面爛瘡用木耳爲末蜜調傅乾則換○又方用平胃
散末冷水調傅乾則換之○治小兒面上生瘡如火
燒用黃梁米粉蜜水調傅或用雞子白和傅○治小
兒頭瘡及浸淫惡瘡用胡麻生嚼塗之大効○治小
兒頭身諸瘡用雞子殼燒灰研和猪脂傅之○治小
兒瘡初起膿漿似火瘡一名爛瘡用桃仁搗和面脂傅
○治小兒熱瘡用亂髮如梨大一團雞子黃煮熟共
置銚內炭火上熬初乾髮焦液出旋取液盡爲度以
此液傅瘡即以苦參末摻之○治小兒壯熱一切瘡

疥皮膚癢痒用楸梓白皮煎湯洗○治小兒疳瘡久
不愈多生於面部兩耳前令乳母口中嚼白米成膏
塗之不過三五上則愈小兒并乳母皆忌雞猪魚兔
酒醋動風發熱之物○治小兒頭瘡用蒸實搗末和
蜜或雞子白塗上虫出不作癩○治小兒浸淫瘡疼
痛不可忍發寒熱用小薊末新水調傅乾即易○治
小兒軟癩用霜打不落乾桃子爲末油調傅○治小
兒一切濕瘡疔瘡用黃連黃蘗各半兩爲末黃丹一
兩火飛輕粉一錢麝香一字別研和勻先以溫水洗
然後貼之○治濕癬瘡用蛇床子爲末先以韭菜根

煎湯洗次用臘月猪脂調藥傅之

蟲痛疝氣

治小兒腹內有虫疼痛用苦練皮二兩白蕪荑半兩為末水一盞末一錢煎二分放冷待發時服之○治小兒虫咬心痛欲絕者用五靈脂末一錢匕飛白礬末半錢匕水一盞煎服不拘時當吐出虫即愈○治諸虫作痛用白蕪荑乾漆炒烟盡等分為末每服一字米飲調下臨發時服○又方用乾漆炒烟盡二分雄黃一分為末麪糊丸如黍米大量兒大小與服以東向石榴根煎湯下或苦練根或蕪荑煎湯皆可○

治因疝生蟲五心煩熱用蕪荑黃連神麩炒等分為末麪糊丸如黍米大空心米飲下○治一切疝蟲攻刺心腹疼痛用胡粉炒鶴虱檳榔苦練根各一兩枯白礬三錢為末麪糊丸如麻子大量兒大小加減米湯下○治小兒陰囊熱腫痛用蚯蚓糞甘草汁調塗○治小兒并男婦陰腫燥痒用桃仁搗爛傅之○治疝氣用羌花醋浸炒木香檳榔三稜炒各半兩茯苓青皮去白全蝎肉桂附子炮礬砂各一分為末先將礬砂浸洗去土頓在湯瓶上候成膏子和糠醋打麪糊丸如黍米大每服三十九空心温酒下○治積氣

肚疼用確砂甘草炙益智炒去殼三稜莪朮青皮去穰炒等分爲末白湯調下○治外腎腫硬及陰瘡用乾地龍爲末先以葱椒湯於避風處洗次用津唾調傅○治小兒膀胱緼熱風濕相乘陰囊腫脹大小便不利用白牽牛二兩桑白皮白朮木通去節陳皮去白各半兩爲末每服二錢姜湯調下空心服

雜證

治小兒未滿一歲其母又姪令兒精神不爽身體痿痹名爲魁病用伏翼燒令烟盡爲末每服半錢米飲調下日三服○治小兒不能言用社日祭餘酒內兒

口中飲則速語○治小兒并大人多年牙齒不生用黑豆三十粒牛糞火內燒令烟盡爲末入麝香少許研勻先以針挑不生齒處令血出用末少許揩不得見風忌酸醜物○又方用大芎乾地黃各半兩山薯蕷當歸芍藥甘草炙各二分爲末熱湯調稠搽齒脚○治小兒臍中汁出并赤腫用白礬澆灰爲末傅之○治小兒聾耳用硫黃爲末摻耳中日一夜一即差○治小兒白禿髮不生汁出燥痛用陳香薷三兩水二盞煎取濃汁半盞入胡粉一兩猪脂半兩和勻塗於頭上日頻傅之○又方用椿楸桃葉心取汁傅之五

七次大効○治白禿用白頭翁根搗傳一宿或作瘡
二十日愈○又方用甜瓜蔓不拘多少河水浸一宿
沙鍋熬取極苦汁瀝去滓慢火熬成膏盛瓷器中先
剃頭去盡瘡痂死血出盡以河水洗淨却用膏一盞
加半夏末三錢生姜自然汁一兩匙狗膽一枚同調
不過三兩上立可大忌猪雞魚兔動風發熱之物○
又方用葶藶子杵爛水煎洗并塗貼黃水出三五次
自効○又方用鷄窠中草白頭翁花燒灰爲末先以
酸泔水洗淨後用蠟猪脂和藥塗之三五次即効○
又方用榆白皮爲末醋調塗之有虫出者未除根大

驗○治小兒食土炭黃瘦用青胡桃皮曝乾爲末水
糊丸如菉豆大每服五七丸溫水送下○治小兒食
土黃似金色用黃連水煎濃汁和愛食之土日乾與
食自不食也○治小兒日赤腫似桃用杏仁十四枚
口內含去皮尖細嚼以新綿裹頻擠汁入眼雖痛痛
止即効○治小兒疳澁眼數日不開用涼膈散煎服
數貼則愈○治小兒火燒瘡用赤地利爲末小油調
塗沒癍痕○治火瘡滅癍痕用鹿角膠末雞翎掃之
○治小兒頭瘡白禿用葶草葉爲末蜜調塗并煎湯
洗勿令入眼及與白歛赤小豆爲末雞子白調如糊

貼毒腫乾即易○治小兒睡中遺尿用桂末雄雞肝
等分搗丸如小豆大溫水下二三九日三服○又
方用羊肚盛水滿繫兩頭熟煮開取水頓服之即差
○治小兒凍耳成瘡或痒或痛用黃蘗白歛各半兩
為末先以湯洗瘡後用生油調塗○治凍爛脚成瘡
用香附子為末麩水調貼之即愈○治鼻衄用生蘿
蔔去葉搗汁仰頭滴入鼻中或血妄行取汁飲之立
効○治大腸虛弱肛門脫下用龍骨訶子肉炒去核
各一分大沒石子二枚罌粟殼去穰醋塗炙二錢為
末白湯點服仍用葱湯薰洗令軟欵欵以手托上又
用新甑一片燒紅以醋澆之氣上即回脚布疊數重
壓定使甑氣上透不可過熱冷病者以簪坐於布上
如覺布溫逐旋減之以常得溫熱為度并常服煎藥
○治小兒通身浮腫小便不利用長流水加燈心煎
五苓散時時灌之更於避風暖處頻浴汗出則腫消
白愈○治骨痛或出膿血用水蛇皮一條燒灰油調
傅○治小兒疳眼赤爛用苦參蔓荊子防風龍膽草
玄參等分為末猪膽糊為丸如菉豆大九數量六小
茶清下○治眼生瘡用栝樓根甘草赤芍藥草決明
等分為末每服半錢蜜湯調下○孔子詩曰養小須

調護看承莫縱馳乳多終損胃食壅即傷脾衾厚非
為益衣單正所宜無風頻見日寒暑順天時

衛生易簡方卷之十二

附錄

服藥忌例

凡藥內有木勿食桃李及雀肉胡荽大蒜青魚鮓飴
糖羊肉有藜蘆勿食狸肉○有黃連桔梗勿食豬肉
○有地黃勿食蕪荑○有細辛勿食生菜○有巴豆
勿食蘆筍羹及野猪肉○有半夏菖蒲勿食飴糖及
羊肉○有甘草勿食菘菜海藻○有牡丹勿食生胡
荽○有商陸勿食犬肉○有常山勿食生葱生菜○
有鱉甲勿食莧菜○有茯苓勿食醋物○有天門冬
勿食鯉魚○有地黃何首烏勿食蘿蔔令人鬚髮白

○有空青硃砂勿食生血物○有黃精勿食海實○
凡服一切藥不可多食生胡及蒜雜生菜又不可
食諸滑物果實○又不可多食肥猪犬肉油膩肥羹
魚鱸鯉燥等物○凡服藥通忌見死屍及產婦厭穢
事○凡服藥病在胸膈以上者先食後服藥病在心
腹以下者先服藥而後食病在四肢血脉者宜服腹
而在且病在骨髓者宜飽滿而在夜○有風疾勿食
櫻桃芥菜丹黍○小兒勿與蓮實芡實食食之不長

六畜

治馬諸病用白鳳仙花連根葉熬成膏馬有病抹馬
眼角上馬即汗出立愈○治馬斷梁先用鹽擦去清
水後以胡桃去膜嚼爛貼之若皮肉碎填漚紙封之
○治牛馬一切疥癩瘡用及已為末傅之或生搗塗
搽○又方用藜蘆為水調塗○治六畜瘡癩用蒼
麥穰燒灰淋汁洗之○治牛馬疫病用醋和藥灌之
○治牛馬傷熱用胡麻葉搗汁灌之立差○治牛馬
驢病用獺屎煮汁灌若重額細研灌鼻中○治六畜
食米脹欲死者酒麴煮汁灌之立消○治牛瘡疫用
石菖蒲淡竹葉葛粉鬱金菘豆蒼朮等分為末每服
一兩芭蕉自然汁三升入蜂蜜一兩黃蠟二錢調灌

之未解再灌熱極加大黃鼻頭無汗加麻黃鼻口出
血加蒲黃○又方用真茶末二兩和水五升灌○又
方用人參細切水煮三升灌○又方用安息香及蒼
朮於欄中燒亦鼻吸其香立止○又方用十二月內
收兔頭燒灰和水灌之○治牛尿血用當歸紅花為
末酒煎冷灌○治牛腹脹用燕屎一合水調灌○治
牛噎用皂角吹鼻中以鞋底拍尾停骨下○治牛肩
爛用舊綿絮三兩燒灰存性麻油調傅忌水五日○
治牛漏蹄用紫礦為末猪脂和內蹄中燒鐵錐烙之
○治牛生虫用當歸搗爛醋浸一宿塗之○治馬中

結用雄雞一隻拳捶死就熱便開取心肝腸肚嘴爪
帶糞入風化石灰一合剝爛入麻油四兩誰勻灌之
雞不用○治馬傷水用亂髮燒烟薰其兩鼻後用川
烏草烏白芷胡椒猪牙皂角等分麝香少許為末以
竹筒盛藥一字吹入鼻中須臾打嚏清水流即効加
瓜蒂煎治一切中結病證○治馬諸瘡用夜合花葉
黃丹乾姜檳榔五倍子為末先以鹽漿水洗瘡後用
麻油加輕粉調傅○治馬瘦喂不肥用貫衆一兩為
末調灌又則瘦虫自去即肥○治馬鼻內頰病用蕎
麥磨粉灌及連稗切飼之○凡馬行遠路宜早歇遲

喂未喂之先飲水數口方可喂草則無中結等病○
治馬打破者用馬脚下屎屎濕稀泥塗上乾即易之
或溝中青臭泥塗可已破成瘡者用丹粘白礬生薑
五倍子二味燒灰存性等分爲末入麝香少許麻油
調傅以成膿者以漿水同葱白煎湯洗淨傅之○凡
羊惡濕宜作高棧除其糞穢已時放未時收若食露
水草則生病○治羊生疥癩用藜蘆根不拘多少槌
碎以米泔浸之瓶盛塞口置熱竈邊數日味酸先以
瓦片刮疥處令赤或湯洗之去痂拭乾以藥塗上兩
次可愈若癩多逐旋塗恐不勝痛○又方用百草霜

及塩桐油各一二兩調勻塗之○治羊中水先以水洗
眼鼻中膿汚令淨次用塩一大撮就杓中沸湯研化
候冷澄取清汁注少許於兩鼻內五日後漸愈○治
羊夾蹄用羚羊脂煎熟去滓以鐵錁子燒熱將脂勻
錁上烙之勿令入水次日即愈○治猫病用烏藥水
磨灌之○治猫煨火疲瘁用硫黃少許納猪腸中炮
或魚腸煨熟飼之○治猫誤爲人踏死用蘇木濃煎
湯灌之○治狗病用水調平胃散灌之○又方用巴
豆去殼和平胃散調灌之○治狗卒死用葵根塞鼻
內可活○治狗遍身膿癩用百部濃煎汁塗之○治

狗爲蟲蠅啣者用麻油遍搽其身立去○治雞病用
真麻油灑之養雞不抱法每下卯時食內加麻子喂
之自然不抱常川下彈○養生雞用淨溫水灌洗雞
脚放之自然不走○養雞鴨用硫黃研細同飯拌勻
喂不數日即肥○治猪病割去尾尖出血即愈○治
瘡疫用蘿蔔或葉與食之不食則難效○治魚遭毒
急疏去毒水別引新水衝之多取芭蕉搗碎置新水
來處使吸之可解或以糞清澆池面亦可

夏
秋
冬
春
夏
秋
冬
春

跋衛生易簡方後

古語有云不爲良相則爲良醫
余嘗以此自愧仕固短於才而
負素餐之責醫亦失其受而虧
述事之功惟孜孜砥礪欲求分
毫裨補於時而無由以致其力
適求樂丁亥欽承

上命巡歷四方東南經涉于海隅西

北旋轉於沙漠海內郡縣罔不
周流每自公餘旁求藝術採輯
良方凡遇遘疾之人即投醫藥
料理按方施治獲効良多日就
月將經十七載至永樂癸卯哀
其所積研精汰冗纂集成書名
曰衛生易簡已經上表具

進所存餘藁安敢祕藏若但區區之

管見曷足以公諸人斯皆往聖
前賢之所訂定用之經驗傳布
人間今余不過掇拾多方之散
逸爲之類聚羣分以便於仁者
之檢用爾蓋施藥不如施方之
意也又豈敢擬議其良醫之萬
一耶豈

永樂甲辰孟夏如來誕日毘陵

胡澗謹誌

醫之道人命生死所繫未可以
藝而視之也昔神農氏之王天
下首嘗百草以救生民之疾苦
身屢毒而不知恤軒后繼立爰
與岐伯反覆論難以發揮天地
五運六氣之祕推明人身五臟
六腑之因順陰陽寒暑之宜制
涼溫補瀉之法蓋無非欲人反

一身之中和以合乎天地自然之中和使不至有乖戾滯慝以害傷其生也聖人仁民愛物何其至哉迄後和扁孫董諸賢以及近世劉張朱李之輩則又皆體承往聖之心掀擴未發之奧冥觀默究巧治竒攻故其術益精其道益著天下之疲癯殘疾顛連而無告者徃徃得以盡其天年而無枉橫夭折之患嗚呼醫之道果可以藝而視之哉古聖賢已遠不可得而見矣觀今春官尚書毘陵胡公所輯衛生易簡方則知公之用心即古仁人君子濟世利民之良心也且其中所列諸疾皆人所常患而

治之當急所用之藥皆世所常
有而致之不難間嘗以一二證
試之無不神驗誠爲簡易有效
公卿士庶之家所當寶有而不
可無者以之鑲梓行世豈不宜
哉雖然古人有言不爲良相則
爲良醫是蓋負其志而不能大
有爲於時者之言也惟胡公則
不然抱明敏特達之才際

雍熙泰和之世見知

天子擢任春官典邦禮以協和神人
贊

皇猷而振宣風化士林交譽遠邇
馳聲是能大有爲於時而其相
業之良可見矣矧於軒岐之術
尤能倦倦博究辯證授方必欲

躋斯民於仁壽之域其爲醫道
之良又何如耶此予所以嘉其
能愛其賢遂忘其蕪陋特爲表
著其美以繫於所輯方書之末
後之君子儻因是感發以廣其
仁愛之術利濟之心則於

國家安養元元之道實亦有所裨
益豈徒云然乎哉豈徒云然乎

哉

宣德丁未仲秋榮祿大夫少保
兼太子少傅戶部尚書監脩

國史長沙夏原吉書

衛生易簡方後序

蓋聞德施羣生而不以為惠道
濟四海而功以為功此古昔聖
賢之用心也及於世德或有聞
而予何幸於人上之壽以

太宗文皇帝賞其部侍郎月公源

潔遍遊天下名山俾以

御編性天... 孝順事

求音方少事作全長劑以杜
刃癘

德至溥也曷嘗以為惠

迨至隆也曷嘗以為功惟公克推

先帝天地生物之心周覽四方遇名
醫異人輒就而咨詢之由是所
得奇方日增月益不可勝計遂

編錄為卷十二名曰衛生易簡
方表進干

朝伏蒙

聖覽嘉歎再三將以刊布中外而利
濟於天下後世未

龍駕上賓萬方哀悼。今又四三年

公乃居宗伯之任一二慨然懷

先帝之深恩念是繼之先傳而以大

嶽太和山所錄副本鋟梓以傳
于世且屬予言識其後予惟天
地之德曰生爲斯民立命而生
其生者聖道之大也上古聖神
蓋慮夫斯民之札瘥夭闕弗克
遂其生於是爲之醫藥以濟之
自時厥後名醫相繼學益顯衍
益精神功妙劑不可殫述公家

世業醫活人之功匪一朝夕至
公乃以科第發身而尤克究其
家學用以濟人多有奇效是編
也雖本於

元帝博施濟衆之心亦惟公克相成
而有以贊夫天地生生之德者
也將見是編播之海內傳於後
世使瘡痍爲之蘇息枯朽爲之

發生熙熙然不自知其躋于壽域矣公之德不既多乎予故樂為書之

宣德二年歲次丁未夏五月既望資善大夫太子少傅工部尚書

謹身殿大學士兼脩

國史總裁建安楊榮書

書衛生易簡方後

衛生易簡方凡一八附錄一

禮書胡人源潔

初以都爭

人方

曆口馬

大次向得醫方便